



Тужилаштво - Туžителство Босне и Херцеговине
Тужилаштво Босне и Херцеговине

Број: Т20 0 КТО 0018837 20
Сарајево, 04.12.2020. године

SUD BOSNE I HERCEGOVINE
SARAJEVO
Судија за претходно саслушање

На основу члана 35. став 2. таčka 1) и члана 226. став 1. Закона о кривичном поступку Босне и Херцеговине подиже:

ОПТУЖНИЦУ

Против:

1. FADIL NOVALIĆ, син Edhema и мјакe Дуlсуме рођене Bilajac, рођен 25.09.1959. године у Gradačcu, настанjen у улици Kemala Kapetanovića бр. 32, Сарајево, по националности Бошњак, држављанин Босне и Херцеговине, ЈМБ 2509959181958, дипломирани инжињер машињства, писмен, звршен Машињски факултет у Сарајево, оженjen, отаc троје дјеце, служио војску 1984. године у Ljubljani, води се у војној евиденцији у општини Gradačac, доброд имовног стања, по изјави неосуђиван и не води се други кривични поступак;

2. FAHRUDIN SOLAK, син Edhema и мајке Zinete рођене Omeragić, рођен 17.08.1973. године у Rogatici, настанjen у улици Travnička 37 д, Сарајево, по националности Бошњак, држављанин Босне и Херцеговине, ЈМБ 1708973173231, дипломирани инжињер машињства, писмен, завршен Машињски факултет, оженjen, отаc двоје малолетне дјеце, није служио војни рок, води се у војној евиденцији у општини Ново Сарајево, средњег имовног стања, по изјави неосуђиван и не води се други кривични поступак;

3. FIKRET HODŽIĆ, син Ibrahima и мајке Fikrete рођене Mehmedović, рођен 27.09.1985. године у Srebrenici, настанjen у улици Polomska 177, Илијаš, по националности Бошњак, држављанин Босне и Херцеговине, ЈМБ 2709985183127, жуналиста, писмен, завршен Политичке науке, оженjen, није служио војни рок, не води се у војној евиденцији, средњег имовног стања, по изјави неосуђиван и не води се други кривични поступак;

4. „F.H. Srebrena malina“ d.o.o. Суćеска - Bostahovine, са сједиштем у Bostahovine bb, Суćеска, Srebrenica, ЈИБ: 4403944190009, правно лице изворно уписано у судски регистар по Рјешенју Окружног привредног суда у Бијелјини број: 059-0-Reg-15-000 810 од 26.10.2015.године, којим су уписана права обављања послова спољнотрговинског промета, чија

Тужилаштво - Туžителство Босне и Херцеговине, ул. Краљице Јелене бр.88, Сарајево;
Телефон: ++ 387 33 707 200; Fax ++ 387 33 707 463; e-mail: info@tuzilastvobih.gov.ba

je djelatnost proširena Rješenjem istog Suda broj: 059-0-Reg-17-000 362 od 05.05.2017.godine, te Rješenjem broj: 059-0-Reg-17-000 885 od 17.10.2017.godine o osnovanju Poslovne jedinice „F.H.Srebrena malina Ilijaš“, Ilijaš, ul.Polomska br.117, Federacija Bosne i Hercegovine, a kojima je kao lice ovlašteno za zastupanje upisan **Fikret Hodžić**, JMB 2709985183127, koji je aktuelni i isključivi osnivač-vlasnik pravnog lica;

5. JELKA MILIĆEVIĆ, kćerka Nikole Damjanovića i majke Ruže rođene Marušić, rođena 10.09.1960. godine u Đakovu, Republika Hrvatska, nastanjena u ulici Ivana Mažuranića 4, Mostar, po nacionalnosti Hrvatica, državljanka Bosne i Hercegovine i Republike Hrvatske, JMB 1009960155050, dipl. Ekonomista, pismena, završen Ekonomski fakultet, udata, srednjeg imovnog stanja, po izjavi neosuđivana i ne vodi se drugi krivični postupak;

Što su:

1. Fadil Novalić, Fahrudin Solak, Fikret Hodžić, „F.H. Srebrena malina“ d.o.o. Srebrenica

U vremenskom periodu od 16.03.2020. godine do 14.04.2020. godine, u Bosni i Hercegovini (Federaciji Bosne i Hercegovine i Republici Srpskoj), Crnoj Gori, Narodnoj Republici Kini i Velikoj Britaniji, nakon održane 214. tematske sjednice Vlade Federacije Bosne i Hercegovine (u daljem tekstu FBiH) na kojoj je Odlukom broj: V.broj:408/2020 od 16.03.2020. godine („Službene novine FBiH“, broj: 21/20) proglašeno stanje nesreće uzrokovano pojavom „Koronavirusa“ na području FBiH, te doneseni Zaključci broj: V.broj:410/2020, Fadil Novalić u svojstvu službenog lica, i to imenovanog funkcionera u organima izvršne vlasti FBiH u skladu sa čl. 2. st. (3) Krivičnog zakona Federacije Bosne i Hercegovine („Službene novine FBiH“, broj: 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17, u daljem tekstu KZ FBiH), kao premijer Vlade FBiH (u daljem tekstu Premijer) koji je imenovan na tu funkciju Odlukom PD broj 01-02-3-466/15-1 od 31.03.2015.godine, po saznanju da će se akumulirana sredstva posebne naknade za zaštitu od prirodnih i drugih nesreća iz Budžeta FBiH izdvojiti u svrhu nabavke materijala i opreme u uslovima pogoršane epidemiološke situacije, među kojima i medicinske opreme i sredstava, a koja sredstva su na dan 01.01.2020.godine iznosila 23.442.712,00 KM, koristeći okolnosti proglašenja pandemije „Koronavirus“, koja je od strane Svjetske zdravstvene organizacije proglašena na globalnom nivou, u cilju učinjenja krivičnih djela nezakonite isplate ovih i drugih budžetskih sredstava za opisanu namjenu, zloupotrebljavajući položaj koji mu je omogućio navedena saznanja, svjestan kapaciteta ovlaštenja Premijera, u vremenskom periodu do 25.03.2020. godine osmislio plan (u daljem tekstu Plan) s ciljem pribavljanja protivpravne imovinske koristi od opisanih nabavki, kojim bi protivpravnim radnjama u postupcima nabavke materijala i opreme bilo omogućeno da se novac iz Budžeta FBiH stavi na raspolaganje Federalnoj upravi civilne zaštite (u daljem tekstu FUCZ), a potom po osnovu zaključenja kupoprodajnih ugovora FUCZ sa odabranim pravnim licima prebaci na račune ovih pravnih lica, pa je radi realizacije osmišljenog, udružio lica (u daljem tekstu Udruženje) u smislu člana 1. stav (17) Krivičnog zakona Bosne i Hercegovine (u daljem tekstu KZ BiH), i to Fahrudina Solaka u svojstvu službenog lica, i to imenovanog funkcionera u organima izvršne vlasti FBiH u skladu sa čl. 2. st. (3) KZ FBiH, kao direktor FUCZ koji je na tu funkciju postavljen Odlukom Vlade FBiH, V. Broj: 1672/2014 od 10.09.2014.godine, a koji je na osnovu čl. 5. Uredbe o Federalnom štabu civilne zaštite („Službene novine FBiH“, broj: 54/03,

Tužilaštvo-Tužiteljstvo Bosne i Hercegovine, Sarajevo, Ul. Kraljice Jelene br.88
Telefon: ++ 387 33 707 200; Fax ++ 387 33 707 463; e-mail: info@tužilastvobih.gov.ba

38/06, 74/07 i 63/11) po funkciji i načelnik Federalnog štaba civilne zaštite (u daljem tekstu FŠCZ), **Fikreta Hodžića** u svojstvu odgovornog lica u skladu sa čl. 123. st. (1) tč. 6) Krivičnog zakonika Republike Srpske („Službeni glasnik Republike Srpske“, broj: 64/17 i 104/18, u daljem tekstu KZ RS) po Rješenju o registraciji Okružnog privrednog suda u Bijeljini, broj: 059-0-Reg-15-000810 od 26.10.2015.godine i pravno lice „F.H. Srebrna malina“ d.o.o. Srebrnica - Republika Srpska koje je registrovano Rješenjem o registraciji Okružnog privrednog suda u Bijeljini, broj: 059-0-Reg-15-000810 od 26.10.2015.godine, čija je osnovna djelatnost „ostala prerada i konzervisanje voća i povrća“ (10.39 Klasifikacije djelatnosti), kojima je ponudio Plan na koji su pristali u vremenskom periodu od 25.03.2020. godine do 03.04.2020. godine, te postajući pripadnici Udruženja učestvovali u daljem planiranju da se odobrena budžetska sredstva u postupcima javnih nabavki zaključenjima kupoprodajnih ugovora sa pravim licem „F.H. Srebrna malina“ d.o.o. prebace na račun ovog pravnog lica, koji Plan su zajedno precizirali u periodu do 14.04.2020.godine kako bi se izmjenom predmeta ugovora uz pribavljene krivotvorene profakture i fakture sa izraženim uvećanim cijenama robe u odnosu na stvarnu tržišnu vrijednost iste, uz prethodno sačinjavanje i upotrebu lažnih službenih isprava, inostranim uplatama transferisao na račune dobavljača iz N.R. Kine, nakon čega bi uništavanjem službenih isprava prikrili raniji predmet ugovora, a zatim tako pribavljenu korist u njima poznatim iznosima podijelili, a koji Plan su međusobno povezani opisanim svojstvima, u posrednim i neposrednim komunikacijama, u stvaranju uslova za realizaciju istog razradili podjelama uloga pri izvršenju krivičnih djela svakog od pripadnika Udruženja, i to na način da bi **Fadil Novalić** kao Premijer, koji rukovodi radom Vlade i odgovara za njen rad, kako je propisano članom 9. Zakona o Vladi FBiH („Službene novine FBiH“, broj:1/94), saziva sjednice Vlade i potpisuje akte Vlade kako je to propisano čl. 8. i 9. Poslovnika o radu Vlade FBiH („Službene novine F BiH“, broj: 6/10, 37/10, 62/10), te supotpisuje odluke o platnim transakcijama putem računa kako je to propisano čl. 40. st. (3) Zakona o izvršavanju budžeta FBiH za 2020. godine („Službeni glasnik FBiH“, broj: 99/19), iskoristio službeni položaj kako bi se u donošenju odluka o nabavci materijala i opreme dodatno proširila ovlaštenja pripadnika **Fahrudina Solaka** u funkciji načelnika FŠCZ, a potom opisana sredstva iz Budžeta stavila na raspolaganje ovom pripadniku u funkciji direktora FUCZ, te prekoračio granice ovlaštenja Premijera kako bi se posao nabavke opreme i sredstava dodijelio pravnom licu „F.H. Srebrna malina“ d.o.o. Srebrnica, te kako bi pravno lice „F.H. Srebrna malina“ d.o.o. Srebrnica ispunilo formalne uslove za nabavku medicinske opreme i sredstava; **Fahrudin Solak** kao direktor FUCZ sa ovlaštenjima da rukovodi i odgovara za zakonit rad FUCZ kako je to propisano odredbom čl. 60. Zakona u upravi Federacije BiH („Službene novine FBiH“, broj: 28/97, 26/02) i odredbom čl. 60. u vezi sa čl. 56. i 57. Zakona o organizaciji organa uprave u FBiH („Službene novine FBiH“, broj: 35/05) i naredbodavca za korištenje svih sredstava Uprave, kako je propisano članom 24. i 25. Pravilnika o unutrašnjoj organizaciji FUCZ („Službene novine FBiH“, broj: 35/05), te nadzire Odluku o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine FBiH“, broj: 4/12, 80/13 i 20/20) u skladu sa čl. xv ove Odluke, a istovremeno kao načelnik FŠCZ sa ovlaštenjima da zahtjeva sazivanje i obavezno održavanje sjednica i telefonskih sjednica FŠCZ, te da priprema i dostavlja materijale sazvanih sjednica, a sve kako je propisano Uredbom o izmjeni Uredbe o FŠCZ V.broj: 457/2020 od 25.03.2020.godine, koja je donesena u cilju realizacije Plana, te čl. 6. Poslovnika o radu FŠCZ, broj: 11-49/1-483-3/2011 od 26.10.2011. godine i Poslovnika o izmjenama i dopunama Poslovnika o radu FŠCZ, broj: 12-02/10-542-4/17 od 04.10.2017. godine, kao načelnik FŠCZ iskoristio službeni položaj u pribavljanju odluke kojom se odobrava FUCZ da vrši nabavke materijala i opreme u uslovima pogoršane epidemiološke situacije u ukupnim iznosima shodno postignutom dogovoru

Udruženja, nakon čega bi iskoristio položaj direktora FUCZ i na osnovu usvojenih odluka o nabavci sačinio odluke o izuzeću od primjene Zakona o javnim nabavkama („Službeni glasnik Bosne i Hercegovine“ broj: 39/14, u daljem tekstu ZJN BiH), te zaključio ugovore sa pripadnikom Udruženja pravnim licem „F.H. Srebrena malina“ d.o.o. Srebrenica, bez primjene postupka javnih nabavki propisanog ZJN BiH, dok bi Fikret Hodžić kao odgovorno lice u pravnom licu „F.H. Srebrena malina“ d.o.o. Srebrenica, i kao jedini član Uprave ovog pravnog lica, koristeći ovo pravno lice, lažnim prikazivanjem i prikrivanjem činjenica neistinito prikazao da ono ispunjava uslove za zaključenje ugovora, nabavku i uvoz medicinskih sredstava u skladu sa Zakonom o lijekovima i medicinskim sredstvima („Službeni glasnik Bosne i Hercegovine“ broj: 58/08, u daljem tekstu ZLMS), nakon čega bi prethodno obezbijedeni novac u vrijednosti zaključenog ugovora, radi prikriivanja načina izvršenja ovih krivičnih djela, po osnovu pribavljenih krivotvorenih profaktura i faktura sa uvećanim iznosima vrijednosti robe koja se nabavlja putem pravnog lica „F.H. Srebrena malina“ uplatio na račun posredničkog pravnog lica u N.R. Kini, a preostali iznos vrijednosti zadržao na računu pravnog lica „F.H. Srebrena malina“ kao jedinu navodnu dobit od zaključenog pravnog posla, što bi im omogućilo sticanje protivpravne imovinske koristi u njima poznatim iznosima, a koja korist bi bila podijeljena između pripadnika Udruženja po realizaciji planiranog, pri tome pristajući da roba kao predmet ugovaranja ne služi svrsi nabavke.

2. Fadil Novalić, Fahrudin Solak, Fikret Hodžić, „F.H. Srebrena malina“ d.o.o. Srebrenica

U vremenskom periodu od 24.03.2020.godine do 27.05.2020.godine, u svojstvima opisanim tačkom 1. ove Optužnice, te ulogama u sastavu Udruženja, učestvovali u realizaciji Plana opisanog tačkom 1. ove Optužnice, na način da su:

2.1.

Svjesni da je tačkom 6. Zaključka Vlade broj: V.broj: 410/2020 od 16.03.2020. godine data saglasnost isključivo zdravstvenim ustanovama da u skladu sa članom 10. ZJN mogu hitno provesti postupak javnih nabavki medicinskih sredstava i dr., te znajući da FUCZ nije zdravstvena ustanova koja u skladu sa odredbom čl. 79. Zakona o zdravstvenoj zaštiti („Službene novine FBiH“, broj: 46/10 i 75/13) ima organ koji osigurava provedbu javnih nabavki lijekova i medicinskih sredstava, niti je u skladu sa članom 109. ZLMS, te člana 77. Pravilnika o medicinskim sredstvima („Službeni glasnik BiH“, broj: 4/10) može biti ugovorni organ u postupku javne nabavke medicinske opreme i sredstava, kao i da će se shodno Planu posao javne nabavke zaključenjem direktnog sporazuma, protivno odredbama ZJN dodijeliti pravnom licu „F.H. Srebrena malina“ d.o.o. Srebrenica, koje nije upisano u registar veleprometnika medicinskim sredstvima, Fadil Novalić iskoristivši ovlaštenja Premijera, u namjeri da se pripadniku Udruženja Fahrudinu Solaku prošire ovlaštenja koja bi koristio u ostvarenju Plana, zakazao hitnu sjednicu Vlade FBiH za dan 24.03.2020.godine na kojoj je, a po prijedlogu direktora FUCZ, stavio na glasanje, a zatim se i saglasio sa Uredbom o izmjenama i dopunama Uredbe o FŠCZ, broj: V.broj 457/2020 od 25.03.2020.godine, kojom je promijenjen sastav FŠCZ, te proširena ovlaštenja načelnika FŠCZ, nakon čega je u vremenskom periodu do 01.04.2020. godine, iako je znao da Vlada FBiH nije donijela odluku o pokretanju postupka javne nabavke medicinskih sredstava, prekoračivši granice svog ovlaštenja stupio u kontakte sa pripadnikom

Tužilaštvo-Tužiteljstvo Bosne i Hercegovine, Sarajevo, Ul. Kraljice Jelene br.88
 Telefon: ++ 387 33 707 200; Fax ++ 387 33 707 463; e-mail: info@tužilastvobih.gov.ba

Udruženja Fikretom Hodžićem kao odgovornim licem u pravnom licu „F.H. Srebrena malina“ d.o.o. Srebrenica, te dogovario predmet i cijenu ugovornog odnosa iz Plana, da bi po postignutom dogovoru o predmetu ugovora – respirator model HC VE003 u količini od 100 komada i kupoprodajnoj cijeni od 10.530.000,00 KM, a koja je formirana po osnovu ponude pravnog lica EXOTRADE d.o.o. Rijeka, Hrvatska na iznos od 3.900.000,00 EUR, pripadniku Udruženja Fahrudin Solaku dao uputu da koristeći ovlaštenja direktora pripremi odluku kojom će se odobriti FUCZ nabavka materijala i opreme iz sredstava posebne naknade za zaštitu od prirodnih nesreća u ukupnom iznosu od 7.000.000,00 KM, što je Fahrudin Solak dana 01.04.2020.godine i učinio, te je koristeći za tu svrhu proširena ovlaštenja načelnika FŠCZ zahtijevao obavezno telefonsko sazivanje sjednice FŠCZ, te za sjednicu u svojstvu direktora FUCZ pripremio prijedlog odluke o nabavci materijala i opreme u iznosu od 7.000.000,00 KM, broj: 12-40-6-148-90/20 od 01.04.2020.godine, te druge materijale za sjednicu, iz kojih nije vidljiv predmet nabavke, svjesno prikrivši podatke o predmetu nabavke, a zatim se na sjednici FŠCZ saglasio sa donošenjem ove Odluke i u ime komandanta FŠCZ istu svojeručno potpisao, da bi potom **Fadil Novalić** u obezbjeđenju dogovorenog predmeta ugovora i visine novčanih sredstava za dogovorenu kupovinu medicinskih sredstva – respiratora, iskoristivši ovlaštenja Premijera, u ime Vlade FBiH potpisao tzv. „pismo namjere“ za kupovinom 100 komada respiratora HC VE003, broj 01-02-323/20 od 02.04.2020.godine, te istoga dana sazvao hitnu sjednicu Vlade FBiH na kojoj je s njegovom saglasnošću donesena Odluka o odobravanju izdvajanja sredstava iz tekuće rezerve Vlade FBiH, broj: V.broj:486/2020, kojom se FUCZ odobrava izdvajanje sredstava u iznosu od 4.950.000,00 KM, te Odluku o davanju prethodne saglasnosti FŠCZ za nabavku materijala i opreme u uslovima pogoršane epidemiološke situacije, broj: V.broj:487/2020, kojom se daje prethodna saglasnost FŠCZ za nabavku materijala i opreme u uslovima pogoršane epidemiološke situacije iz sredstava posebne naknade u ukupnom iznosu od 7.000.000,00 KM, na osnovu kojih odluka su u realizaciji Plana obezbjeđena sredstva pripadniku Udruženja Fahrudin Solaku za zaključenje ugovora s pravnim licem „F.H. Srebrena malina“ d.o.o. Srebrenica, odnosno sa pripadnikom Udruženja Fikretom Hodžićem, da bi istog dana **Fikret Hodžić** po dogovoru sa drugim pripadnicima Udruženja sačinio i dostavio ponudu pravnog lica „F.H. Srebrena malina“ d.o.o. Srebrenica, broj:7737/2020 za prodaju 100 komada respiratora HC-VE003 za iznos od 10.530.000,00 KM, a potom **Fahrudin Solak** istog dana, iskoristivši ovlaštenja direktora, po osnovu dostavljane ponude odobrio i potpisao Obrazce 2 (unos faktura) broj:07-11-1-28-29/20 i broj:07-11-1-28-236/20 od 02.04.2020. godine, sa nalogom za unos fakture dobavljača „F.H. Srebrena malina“ d.o.o. Srebrenica u ISFU trezorsku aplikaciju na iznose 4.950.000,00 KM i 5.800.000,00 KM, a da prethodno nije zaključen kupoprodajni ugovor, niti je od strane pravnog lica „F.H. Srebrena malina“ d.o.o. Srebrenica dostavljena vjerodostojna knjigovodstvena isprava - faktura ili profaktura kojom dokazuje obavezu plaćanja kako je to propisano čl. 56. st. (2) Zakona o budžetima u Federaciji BiH („Službene novine FBiH“, broj: 102/13), nakon čega je dana 03.04.2020.godine, iskoristivši ovlaštenja direktora FUCZ kao ugovornog organa ove nabavke, suprotno odredbama člana 10. Zakona o javnim nabavkama („Službeni glasnik Bosne i Hercegovine“ broj: 39/2014) i Saopštenju Agencije za javne nabavke broj:02-1-489-1/20 od 17.03.2020. godine, bez obrazloženja opravdanosti primjene ovog člana donio Odluku o izuzeću od primjene ZJN, broj: 07-11-13-176/20 od 03.04.2020.godine, te s pravnim licem „F.H. Srebrena malina“ d.o.o. Srebrenica kojeg je zastupao **Fikret Hodžić** potpisao ugovor o kupoprodaji roba broj 6626/2020, čiji je predmet kupoprodaja robe - respirator invazivi „HC VE003“ (100 komada), za ukupni iznos cijene od 10.530.000,00 KM, dok je **Fadil Novalić** iskoristivši ovlaštenja Premijera, zajedno sa zamjenikom Premijera, dana 03.04.2020.godine potpisao prethodno pripremljene naloge za

isplatu, što je bio osnov da se sa računa iz Bužeta FBiH na račun pravnog lica „F.H. Srebrna malina“ otvorenog u Privrednoj banci Sarajevo, broj: 1011040072341034, izvrši transfer novca u ukupnom iznosu od 10.530.000,00 KM, što je i učinjeno 03.04.2020. godine, na način da je sa računa tekuće rezerve transferisano 4.950.000,00 KM, a sa posebnog transakcijskog računa sredstava za zaštitu i spašavanje 5.580.000,00 KM, sve na osnovu odluka FŠCZ i Vlade FBiH koje su donesene prethodno opisanim radnjama zloupotrebe položaja pripadnika Udruženja Fadila Novalića i Fahrudina Solaka;

2.2.

Znajući da je Ugovorom broj: 6626/20 od 03.04.2020.godine ugovorena nabavka 100 komada respiratora HC-VE003 za iznos kupoprodajne cijene od 10.530.000,00 KM, po transferu novca u ovom iznosu na račun pravnog lica „F.H. Srebrna malina“ d.o.o. Srebrenica, kako je opisano pod 2.1., Fikret Hodžić u svojstvu odgovornog lica u pravnom licu „F.H. Srebrna malina“ d.o.o. Srebrenica, djelujući kao pripadnik Udruženja, znajući da u vrijeme izdavanja Ponude br.7737/2020 od 02.04.2020. godine i zaključenja Ugovora broj: 6626/2020 od 03.04.2020. godine, kao prodavac nije imao na raspolaganju predmet ugovora – respiratore HC-VE003, niti je imao ugovorene pravne poslove koji obezbijavaju isporuku ugovorene robe, u potrebi obezbjeđenja respiratora stupio u poslovne kontakte sa S.L., odgovornim licem u pravnom licu BTL Medical Montenegro d.o.o. Podgorica, Crna Gora koja mu je ponudila da u cilju nabavke 100 komada respiratora, za što je iz Budžeta FBiH već dobio novac na način opisan pod 2.1. i 2.2., kao krajnji kupac zaključi ugovor sa dobavljačem iz NR Kine, pravnim licem „Shangai Chang Qi Medical Tehnology Centar“ – Shanghai, a kojim bi za ranije prihvaćenu cijenu za 100 komada respiratora modela HC-VE003 u iznosu od 3.900.000,00 EUR, kupio 100 komada respiratora drugog modela ACM812A, pri tome ga upoznavajući da je stvarna cijena tih respiratora značajno niža, te da će od razlike tako ugovorene cijene respiratora ostvariti i dodatnu korist, na šta su pripadnici Udruženja po međusobno ostvarenim kontaktima i pristali, pri tome znajući da je prethodno 200 komada respiratora ACM812A pravno lice Sinofarm d.o.o. Beograd uz posredovanje S.L. platilo iznos od 5 miliona EUR, odnosno po skoro dvostruko manjoj cijeni, pa je u skladu sa Planom Fadil Novalić iskoristivši ovlaštenja Premijera, iako je ranije potpisao pismo namjere od 02.04.2020.godine za nabavku respiratora modela HC-VE003, sačinio i potpisao tzv. „pismo namjere“ broj: 01-02-385/20 od 14.04.2020. godine, u čijem sadržaju je unio neistiniti navod da je kao Premijer potpisao kupovinu respiratora tip ACM812A, nakon čega je dana 15.04.2020.godine Fikret Hodžić u svojstvu odgovornog lica u pravnom licu „F.H. Srebrna malina“ d.o.o. Srebrenica kao krajnji kupac potpisao Aneks Ugovora broj: 004142020, kojim prodavac „Shangai Chang Qi Medical Tehnology Centar“ – Shanghai, Narodna Republika Kina, prodaje kupcu BTL Medical d.o.o. Podgorica 100 komada respiratora modela ACM812A, pa je, nakon što je dana 15.04.2020.godine putem e-maila od S.L. primio krivotvorene profakture za 100 respiratora ACM812A, jednu sa uvećanom cijenom respiratora od 3,9 miliona EUR, a drugu nepotpisanu profakturu ovog uvećanog iznosa u protivvrijednosti od 30.000.000,00 RMB (valuta NR Kine), koje je S.L. prethodno pribavila od lica S.C. iz Velike Britanije, istog dana po osnovu ovih profaktura izdao nalog banci za izvršenje doznake u inozemstvo u iznosu od 7.620.300,00 KM u korist pravnog lica „Shanghai ChangQi Medical Technology Center“, a koje je po osnovu izdatog naloga i realizirano dana 16.04.2020.godine, a Fahrudin Solak u skladu sa postignutim dogovorom Udruženja od 14.04.2020.godine, u periodu do 24.04.2020.godine, prekoraciivši ovlaštenja direktora FUCZ naložio S.A., pomoćnici direktora FUCZ, da u svim dokumentima spisa nabavke respiratora izvrši izmjene predmeta ugovora, da umjesto ranije

Tužilaštvo-Tužiteljstvo Bosne i Hercegovine, Sarajevo, Ul. Kraljice Jelene br.88
Telefon: ++ 387 33 707 200; Fax ++ 387 33 707 463; e-mail: info@tuzilastvobih.gov.ba

ugovorenog predmeta HC-VE003 unese model ACM812A, pri tome ulažući u spis nabavke specifikaciju modela ACM812A, te da uništi stranice dokumenata i specifikaciju modela respiratora HC-VE003, pri tome je dovodeći u zabludu da se radi o tehničkoj grešci, u šta je ona povjerovala, te isto i učinila;

2.3.

U vremenskom periodu od 03.04.2020.godine do 04.05.2020.godine, kada su rješenjem Suda BiH broj: S1 2 K 035494 20 Km 2 od 08.05.2020.godine, blokirana sredstva po računu pravnog lica F.H. Srebrena malina“ d.o.o. Srebrenica u iznosu 1.096.520,78 KM, Fikret Hodžić u svojstvu odgovornog lica u ovom pravnom licu raspolagao novcem za koji je znao da je stečen učinjenim radnjama opisanim pod 2.1. i 2.2. ove Opužnice, na način da je plaćao uvozne dadžbine i troškove postupka uvoza respiratora, a zatim vršio druga plaćanja i isplate u Bosni i Hercegovini i inostranstvu u ukupnom iznosu oko 400.000,00 KM, od kojeg novca je dana 27.04.2020. godine u opisanoj namjeri raspolaganja podigao u gotovini novac u iznosu od 100.000,00 KM koji je upotrijebio na njemu poznati način, pa je u cilju prikrivanja ove gotovinske isplate i svrhe korištenja novčanih sredstava dana 05.05.2020. godine izdao nalog V.K., knjigovođi pravnog lica „F.H. Srebrena malina“ d.o.o. Srebrenica, da sačini odluku o povećanju blagajničkog maksimuma za ovo pravno lice na 120.000 KM, te da odluku datira sa danom 27.04.2020.godine, nakon čega je u cilju daljeg prikrivanja prirode ovih novčanih sredstava naložio V.K. da sačini odluku o raspodjeli ovih novčanih sredstava za navodni otkup malina, što je V.K. i uradila;

2.4.

Znajući da je osnovna djelatnost pravnog lica „F.H. Srebrena malina“ d.o.o. Srebrenica - „ostala prerada i konzervisanje voća i povrća“ (10.39 Klasifikacije djelatnosti), te da ovo pravno lice nije upisao u registar veleprometnika medicinskim sredstvima, što bi prema čl. 77. Pravilnika o medicinskim sredstvima bio uslov za uvoz i promet medicinskih sredstava, Fadil Novalić u cilju realizacije Plana koji se odnosi na pribavljanje koristi Udruženju, nakon što mu je dana 22.04.2020.godine Fikret Hodžić zatražio da ishodi upis pravnog lica „F.H. Srebrena malina“ d.o.o. Srebrenica u registar veleprometnika medicinskih sredstava i izdavanje dozvole za uvoz medicinskih sredstava Agencije za lijekove i medicinska sredstva Bosne i Hercegovine (u daljem tekstu ALMS), koristeći stvarni službeni položaj Premijera, te uticajni politički položaj, H.G. direktoru Ureda Premijera Vlade FBiH naložio da ispred Ureda Premijera Vlade FBiH i u ime Premijera, u kontaktima sa službenim ili odgovornim licima ALMS ishodi upis ovog pravnog lica u registar veleprometnika medicinskim sredstvima, po kojim putem je H.G. i postupao, te je putem neposrednih kontakata sa H.A., članom Stručnog vijeća ALMS, dobio kontakt telefon I.F., glavnog inspektora ALMS, pa je H.G. dana 23.04.2020.godine telefonskim putem ostvario neposredni kontakt sa istom, nakon čega je istog dana Fikret Hodžić kao odgovorno lice u pravnom licu „F.H. Srebrena malina“ d.o.o. Srebrenica podnio ALMS zahtjev za upis u registar veleprometnika medicinskim sredstvima broj: 10-07.12-2-3916/20, da bi dana 25.04.2020. godine na Međunarodni aerodrom u Sarajevu bilo dopremljeno ukupno 80 komada respiratora ACM812A, nakon čega je dana 27.04.2020 godine pravno lice „F.H. Srebrena malina“ d.o.o. Srebrenica upisano u registar veleprometnika medicinskim sredstvima, iako nije ispunjavalo uslove propisane odredbom čl. 109. ZLMS, budući da u skladu sa odredbom čl. 109. st. (1) tč. a) nije prije početka bavljenja djelatnošću prometa medicinskih sredstava svoju djelatnost prijavilo

ALMS, niti je ispunjavalo ostale uslove propisane čl. 109. st. (1) tč. b), c) i d), a zatim po zahtjevu ovog pravnog lica broj: 07-07.7-2-3981/20 od 27.04.2020.godine istog dana i dobilo saglasnost za hitan uvoz medicinskih sredstava koja nisu opisana u registar medicinskih sredstava BiH, dok je dana 27.05.2020.godine dopremljeno preostalih 20 respiratora modela ACM812A, što je omogućilo pripadnicima Udruženja sticanje protivpravne imovinske koristi u samo njima tačno poznatom iznosu, ali ne manje od 700.000,00 KM (a koji iznos čine sredstva blokirana po Rješenju Suda BiH i potrošena sredstva opisana ovom tačkom pod 2.3.), a za Budžet FBiH prouzrokovalo štetu u novčanom iznosu ne manjem od 10.530.00,00 KM, koji je učinjenim krivičnim djelima isplaćen iz Budžeta FBiH, jer kupljena, a potom i isporučena medicinska oprema (100 kom respiratora tipa ACM812A) ne posjeduje ni minimum potrebnih bitnih karakteristika za adekvatan tretman pacijenata srednje i teške kliničke slike zbog oboljenja COVID-19, zbog čega se ne preporučuje njegova primjena u jedinicama intenzivne terapije, odnosno isti nisu namjenjeni upotrebi u invazivnom liječenju, posebno za bolesnike s COVID-19 koji su u kritičnom stanju i kojima može trebati dugotrajna invazivna i visoko-niska ventilacija.

2.5.

U relaciji Plana opisanog tačkom 1. Optužnice, u vremenskom periodu od 25.03.2020. godine do 25.04.2020.godine, odmah po okončanju radnji opisanih pod 2.1. kojima je promjenjen sastav FŠCZ, te proširena ovlaštenja načelnika FŠCZ, dana 25.03.2020. godine u 21:30 sati, Fahrudin Solak kao direktor FUCZ, prekoračivši granice ovlaštenja, bez pokrenutog postupka javne nabavke u skladu sa ZJN u cilju obezbjeđenja osnova za zaključenje ugovora o kupovinu zaštitne opreme, pozvao pripadnika Udruženja Fikreta Hodžića da u svojstvu odgovornog lica u pravnom licu „F.H. Srebrena malina“ d.o.o. Srebrenica dostavi ponudu FUCZ za prodaju zaštitne opreme, što je isti dana 26.03.2020.godine i učinio, te putem e-mail dostavio ponudu broj: 1876/2020, nakon čega su kao pripadnici Udruženja u međusobnim kontaktima utvrđivali cijenu i količinu zaštitne opreme, pa je tako Fadil Novalić, iako je znao da Vlada FBiH nije donijela odluku o pokretanju postupka javne nabavke zaštitne opreme, prekoračivši granice ovlaštenja Premijera stupio u kontakte sa pripadnikom Udruženja Fikretom Hodžićem kao odgovornim licem u pravnom licu „F.H. Srebrena malina“ d.o.o. Srebrenica, pa je dana 02.04.2020.godine koristeći se pri tome dijelom službenog dokumenta Zavoda za javno zdravstvo FBiH – „Plana iskazanih potreba za zdravstvene ustanove u FBiH“ koji je usvojen od strane kriznog štaba Ministarstva zdravstva FBiH, naložio B.DŽ., sekretarici u Uredu Premijera Vlade FBiH, da putem e-maila dostavi Fikretu Hodžiću „zahtjev – dio ukupnih potreba“, u čijem sadržaju su u tabelarnom prikazu iskazane količine potreba sa pretpostavljenim cijenama shodno raspoloživim sredstvima u Budžetu, te da pripremi ponudu po dostavljenom dijelu dokumenta, što je Fikret Hodžić i učinio, pa je istog dana na e-mail Ureda Premijera Vlade FBiH dostavio ponudu pravnog lica „F.H. Srebrena malina“ d.o.o. Srebrenica, naslovljenu na kupca Vlada FBiH, broj: 7736/2020 sa iskazanom ukupnom cijenom bez PDV-a u iznosu od 2.900.000,00 KM, koju je formirao na osnovu dostavljenog plana potreba, a koju je dana 03.04.2020.godine po nalogu Fadila Novalića H.G. Direktor Ureda Premijera Vlade FBiH dostavio putem aplikacije viber Fahrudinu Solaku, pa su kao pripadnici Udruženja po osnovu prethodno osmišljenog Plana, nakon realizacije opisane nabavke respiratora pod 2.1. - 2.3., namjeravali realizovati i ovaj dio Plana, do čega nije došlo usljed nedostatka odobrenih sredstava FUCZ u opisano vrijeme, a potom i istražnih aktivnosti nadležnih organa;

3. Jelka Milićević, sama

U svojstvu službenog lica u institucijama Federacije BiH, i to kao imenovani funkcioner u organima izvršne vlasti Federacije Bosne i Hercegovine u skladu sa čl. 2. st. (3) Krivičnog zakona Federacije Bosne i Hercegovine (KZ FBiH, Službene novine Federacije BiH", broj: 36/03, 21/04, 69/04, 18/05, 42/10, 42/11, 52/14, 76/14, 46/16 i 75/17), kao ministar finansija u Vladi FBiH, koji u skladu sa članom 118. Zakona o upravi („Službene novine FBiH“, broj: 28/97, 26/02) i člana 56. Zakona o organizaciji organa uprave u FBiH („Službene novine FBiH“, broj: 35/05) rukovodi Ministarstvom, osigurava zakonito i efikasno obavljanje svih poslova iz nadležnosti Ministarstva, a istovremeno i zamjenik Premijera, a po osnovu čl. 5 Uredbe o FŠCZ i kao komandant FŠCZ, u vremenskom periodu od 16.03.2020.godine do 14.04.2020.godine, nakon održane 214. tematske sjednice Vlade Federacije Bosne i Hercegovine na kojoj je Odlukom broj: V.broj:408/2020 od 16.03.2020. godine („Službene novine Federacije BiH“, broj: 21/20) proglašeno stanje nesreće uzrokovano pojavom „Koronavirusa“ na području Federacije Bosne i Hercegovine, te doneseni Zaključci broj: V.broj:410/2020, među kojima i zaključak broj 4. kojim se „*zadužuje FUCZ da na osnovu Odluke o izmjenama i dopunama Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća, osigura, u što kraćem roku operativnost sredstava namijenjenih za nabavku opreme, karantena i dr.*“, i zaključak broj 6. kojim „*Vlada Federacije daje saglasnost zdravstvenim ustanovama u Federaciji BiH da mogu hitno prevesti postupak javnih nabavki, u skladu sa članom 10. Zakona o javnim nabavkama, radi nabavka na tržištu dostupnih respiratora, medicinske opreme, medicinskih sredstava, dezinfekcionih sredstava, kao i druge zaštitne opreme neophodne u situaciji borbe protiv globalne pandemije, a u vezi sa članom 187. Zakona o zdravstvenoj zaštiti*“, u vremenskom periodu do 03.04.2020. godine, u okviru opisanih svojstava, prisustvujući sjednicama i sastancima FŠCZ i Vlade FBiH, na kojima je primila na znanje plan potreba medicinske opreme i medicinskih sredstava za zdravstvene ustanove sačinjen od strane Federalnog zavoda za javno zdravstvo, a kojim je iskazana potreba za kupovinom 300 respiratora i druge medicinske i zaštitne opreme, te učestvovala u donošenju odluka ovih organa vlasti u vezi nabavke medicinskih sredstava i opreme, uključujući testove za Covid-19, tako saznajući da će se akumulirana sredstva posebne naknade za zaštitu od prirodnih i drugih nesreća iz Budžeta Federacije Bosne i Hercegovine izdvojiti u svrhu nabavke materijala i opreme u uslovima pogoršane epidemiološke situacije, među kojima i medicinske opreme i sredstava, kao ministar finansija u Vladi FBiH, u okviru opisanih ovlaštenja i nadležnosti Ministarstva kojim je rukovodila, nije kako to nalažu odredbe člana 58. stav 1. Zakona o organizaciji organa uprave u FBiH (Službene novine FBiH 35/05) osigurala provođenje Zakona o Budžetima u Federaciji Bosne i Hercegovine, („Službene novine FBiH, broj:102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), Zakona o izvršavanju budžeta Federacije BiH za 2020. godinu („Službeni glasnik FBiH“, broj: 99/19) i Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine FBiH“, broj: 4/12, 80/13 i 20/20), pa tako očito nesavjesno postupajući u vršenju svojih službenih dužnosti omogućila pripadnicima Udruženja realizaciju plana opisanog tačkom 2. ove Optužnice, tako što je znajući da FUCZ nije zdravstvena ustanova koja u skladu sa odredbom čl. 79 Zakona o zdravstvenoj zaštiti („Službene novine FBiH“, broj: 46/10 i 75/13), ima organ koji osigurava provedbu javnih nabavki lijekova i medicinskih sredstava, niti u skladu sa članom 109. Zakona o lijekovima i medicinskim sredstvima („Službeni glasnik Bosne i Hercegovine“, broj: 58/08), te člana 77. Pravilnika o medicinskim sredstvima („Službeni glasnik BiH“ broj: 4/10), može biti ugovorni organ u postupku javne nabavke medicinske opreme i sredstava, u cilju

Tužilstvo-Tužiteljstvo Bosne i Hercegovine, Sarajevo, Ul. Kraljice Jelene br.88
 Telefon: ++ 387 33 707 200; Fax ++ 387 33 707 463; e-mail: info@tuzilastvobih.gov.ba

obezbjeđenja novčanih sredstava za kupovinu medicinskog sredstva - respiratora, u svojstvu komandanta FŠCZ na sjednici koja je održana dana 01.04.2020.godine, saglasila se donošenjem odluke o nabavci materijala i opreme u iznosu od 7.000.000,00 KM, broj: 12-40-6-148-90/20 od 01.04.2020.godine, a zatim se u svojstvu ministra finansija FBiH na sjednici Vlade FBiH koja je održana dana 02.04.2020.godine saglasila sa ovom odlukom, a istovremeno u svojstvu federalnog ministra finansija, po dostavljenom zahtjevu za dodjelu sredstava iz tekuće rezerve na iznos od 5.000.000 KM budžetskog korisnika FUCZ, na sjednici Vlade FBiH održane istog dana predložila, a zatim se i saglasila sa Odlukom o odobravanju izdvajanja sredstava iz tekuće rezerve Vlade FBiH, broj: V.broj:486/2020 kojim su FUCZ dodijeljena sredstva iz tekuće rezerve u iznosu od 4.950.000,00 KM, iako je znala da će budžetski korisnik FUCZ, odnosno Fahrudin Solak kao rukovodilac iste, opisana budžetska sredstva koristiti u postupcima nabavki respiratora u kojima ne može učestvovati kao ugovorni organ, odnosno da će se sredstva nezakonito utrošiti, pa je FUCZ dana 03.04.2020.godine s pravnim licem „F.H. Srebrena malina“ d.o.o. Srebrenica i zaključila Ugovor o kupoprodaji roba broj 6626/2020, medicinskog sredstva - respirator invazivi „HC VE003“ (100 komada), za ukupni iznos cijene od 10.530.000,00 KM, nakon čega je u svojstvu federalnog ministra finansija, po prethodnom nalogu za unos i hitnu isplatu kupoprodajne cijene dobavljača „F.H. Srebrena malina“ d.o.o. Srebrenica u ISFU trezorsku aplikaciju, dana 03.04.2020., u kojoj je bio naznačen predmet kupoprodaje „respirator“, svjesno propustila shodno članu 57. stav (3) Zakona o budžetima u FBiH donijeti rješenje o obustavi od izvršenja isplate koja je u očitij opisanij nezakonitosti u suprotnosti sa ovim Zakonom, već je istog dana zajedno sa Premijerom Fadilom Novalićem supotpisala prethodno pripremljene naloge - Registare završne uplate, što je bio osnov da se računa iz Bužeta FBiH na račun pravnog lica „F.H. Srebrena malina“ otvorenog u Privrednoj banci Sarajevo, broj: 1011040072341034, izvrši transfer novca u ukupnom iznosu od 10.530.000,00 KM, što je i učinjeno 03.04.2020. godine, na način da je sa računa tekuće rezerve transferisano 4.950.000,00 KM, a sa posebnog transakcijskog računa sredstava za zaštitu i spašavanje 5.580.000,00 KM, pri čemu je pristala na nastupanje imovinske šteta u iznosu isplaćenih sredstava od 10.530.000,00 KM, da bi potom u svojstvu komandanta FŠCZ u ime FŠCZ podnijela Informaciju o aktivnostima koje FŠCZ poduzima u cilju suzbijanja i ublažavanja posljedica uticaja globalne pandemije Korona virusa (Covid -19) u FBiH za period od 23.03. do 03.04.2020.godine, od 03.04.2020. godine, koja je primljena na znanje na 218. sjednici Vlade FBiH od 09.04.2020.godine, a u kojoj je na str. 8 navedena predmetna nabavka respiratora, nakon čega, iako je znala za prethodno opisane nezakonitosti, nije u skladu sa članom 6. Uredbe o budžetskom nadzoru u FBiH izdala nalog za budžetski nadzor, nakon kojeg bi shodno odredbi člana 65. stav (2) Zakona o Budžetima u FBiH donijela rješenje o povratu sredstava na Jedinstveni račun trezora FBiH i na taj način spriječila štetu, a kako to nije učinila do 14.04.2020.godine, novac je po nalogu Fikreta Hodžića transferisan u N.R. Kinu, kako je to opisano tačkom 2 Opužnice, čime je onemogućen povrat sredstava na JRT, pa su kupljeni respiratori modela ACM812A isporučeni u FBiH, a da tako isporučena medicinska oprema ne posjeduje ni minimum potrebnih bitnih karakteristika za adekvatan tretman pacijenata srednje i teške kliničke slike zbog oboljenja COVID-19, zbog čega se ne preporučuje njegova primjena u jedinicama intenzivne terapije, odnosno isti nisu namjenjeni upotrebi u invazivnom liječenju, posebno za bolesnike s COVID-19 koji su u kritičnom stanju i kojima može trebati dugotrajna invazivna i visoko-niska ventilacija.

Dakle,

Fadil Novalić:

tačkom 1.- udružio više lica u čiju počinjenja krivičnih djela propisanih zakonom Bosne i Hercegovine, Federacije Bosne i Hercegovine i Republike Srpske, i to „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Primanje nagrade ili drugog oblika koristi za trgovinu uticajem*“ iz člana 219. stav (3) u vezi stava (2) KZBiH, „*Pranje novca*“ iz člana 209. stav (3) u vezi sa stavom (1) KZBiH, „*Krivotvorenje ili uništenje poslovnih ili trgovačkih knjiga ili isprava*“ iz čl. 261. st. (2) KZ FBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje*“ iz čl. 262. st. (2) KZ RS;

tačkom 2.- kao Premijer iskorištavanjem svog službenog položaja ili ovlaštenja i prekoračivši granice svoje službene ovlasti pribavio imovinsku korist sebi i pripadnicima Udruženja, te budžetu Federacije BiH nanio imovinsku štetu, a pribavljena imovinska korist prelazi 50.000 KM; radi pribavljanja koristi za sebe i drugog koristio svoj službeni i uticajni položaj kao Premijer da službeno lice u Agenciji za lijekove i medicinska sredstva Bosne i Hercegovine izvrši službenu radnju upisa pravnog lica „F.H. Srebrena malina“ d.o.o. Srebrenica u Registar veleprometnika medicinskim sredstvima, te da izda dozvolu za hitni interventni uvoz medicinskih sredstava; kao Premijer u službenu ispravu unio neistinitu podatku koji je svojim potpisom i službenim pečatom i ovjerio, te tako neistinitu službenu ispravu upotrijebio u službi kao da je istinita, te tako novac za koji je znao da je pribavljen krivičnim djelom, a koji prelazi iznos od 200.000 KM, u sastavu Udruženja prikrivao, te na drugi način pokušao prikriti njegovu prirodu, raspolaganje, kretanje, a takav novac je pribavljen počinjenjem krivičnog djela na području dva entiteta i u inostranstvu;

Fahrudin Solak:

tačkom 1.- postao pripadnik Udruženja u cilju počinjenja krivičnih djela propisanih zakonom Bosne i Hercegovine, Federacije Bosne i Hercegovine i Republike Srpske, i to „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Primanje nagrade ili drugog oblika koristi za trgovinu uticajem*“ iz člana 219. stav (3) u vezi stava (2) KZBiH, „*Pranje novca*“ iz člana 209. stav (3) u vezi sa stavom (1) KZBiH, „*Krivotvorenje ili uništenje poslovnih ili trgovačkih knjiga ili isprava*“ iz čl. 261. st. (2) KZ FBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje*“ iz čl. 262. st. (2) KZ RS;

tačkom 2.- kao direktor Federalne uprave civilne zaštite/načelnik Federalnog štaba civilne zaštite iskorištavanjem svog službenog položaja ili ovlaštenja i prekoračivši granice svoje službene ovlasti pribavio sebi i drugom korist, te budžetu Federacije BiH nanio imovinsku štetu, a pribavljena imovinska korist prelazi 50.000 KM, te je kao direktor Federalne uprave civilne zaštite u službenu ispravu i spis unio neistinite podatke, te takvu neistinitu službenu ispravu i spis upotrijebio u službi kao da su istiniti na koji način je novac za koji je znao da je pribavljen

Tužilaštvo-Tužiteljstvo Bosne i Hercegovine, Sarajevo, Ul. Kraljice Jelene br.88
Telefon: ++ 387 33 707 200; Fax ++ 387 33 707 463; e-mail: info@tuzilastvobih.gov.ba

krivičnim djelom, a koji prelazi iznos od 200.000 KM, u sastavu Udruženja prikrivao, a takav novac je pribavljen počinjenjem krivičnog djela na području dva entiteta i u inostranstvu;

Fikret Hodžić:

tačkom 1.- postao pripadnik Udruženja u cilju počinjenja krivičnih djela propisanih zakonom Bosne i Hercegovine, Federacije Bosne i Hercegovine i Republike Srpske, i to „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Primanje nagrade ili drugog oblika koristi za trgovinu uticajem*“ iz člana 219. stav (3) u vezi stava (2) KZBiH, „*Pranje novca*“ iz člana 209. stav (3) u vezi sa stavom (1) KZBiH, „*Krivotvorenje ili uništenje poslovnih ili trgovačkih knjiga ili isprava*“ iz čl. 261. st. (2) KZ FBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje*“ iz čl. 262. st. (2) KZ RS;

tačkom 2. - novac za koji je znao da je pribavljen učinjenjem krivičnog djela držao, a zatim njime raspolagao, i koristio u privrednom poslovanju, a koji novac prelazi iznos od 200.000 KM, te ga u sastavu Udruženja prikrivao, a takav novac je pribavljen počinjenjem krivičnog djela na području dva entiteta i u inostranstvu, i to tako što je koristio neistinite poslovne isprave kao da su istinite, a sa ciljem prikrivanja navedenog u poslovne knjige, isprave i spise koje je dužan voditi po osnovu zakona unio neistinite podatke;

„F. H. Srebrena malina“ d.o.o. Srebrenica:

tačkom 1.- postalo pripadnik Udruženja u cilju počinjenja krivičnih djela propisanih zakonom Bosne i Hercegovine, Federacije Bosne i Hercegovine i Republike Srpske, i to „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Primanje nagrade ili drugog oblika koristi za trgovinu uticajem*“ iz člana 219. stav (3) u vezi stava (2) KZBiH, „*Pranje novca*“ iz člana 209. stav (3) u vezi sa stavom (1) KZBiH, „*Krivotvorenje ili uništenje poslovnih ili trgovačkih knjiga ili isprava*“ iz čl. 261. st. (2) KZ FBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje*“ iz čl. 262. st. (2) KZ RS;

tačkom 2.- iskorišteno da novac za koji je rukovodeći organ znao da potiče iz krivičnog djela, a čiji iznos prelazi iznos od 200.000 KM, te ga u sastavu Udruženja prikrivalo, a takav novac je pribavljen počinjenjem krivičnog djela na području dva entiteta i u inostranstvu, i to tako što je koristilo neistinite poslovne isprave kao da su istinite, a sa ciljem prikrivanja navedenog u poslovne knjige, isprave i spise koje je dužno voditi po osnovu zakona unijeo neistinite podatke;

Jelka Milićević

tačkom 3.- kao ministar finansija u Vladi FBiH i kao zamjenik premijera u Vladi FBiH, i kao komandant Federalnog štaba civilne zaštite, svjesnim kršenjem zakona i drugih propisa, te

Tužilaštvo-Tužiteljstvo Bosne i Hercegovine, Sarajevo, Ul. Kraljice Jelene br.88
 Telefon: ++ 387 33 707 200; Fax ++ 387 33 707 463; e-mail: info@tuzilastvobih.gov.ba

propuštanjem dužnosti nadzora, očigledno nesavjesno postupala u vršenju dužnosti, pa je zbog toga nastupila imovinska šteta koja prelazi iznos od 10.000 KM;

Čime su počinili krivična djela, i to:

Fadil Novalić – pod tačkom 1. počinio krivično djelo „*Udruživanje radi činjenja krivičnih djela*“ iz člana 249. stav (1) KZBiH, u vezi sa krivičnim djelima „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Primanje nagrade ili drugog oblika koristi za trgovinu uticajem*“ iz člana 219. stav (3) u vezi stava (2) KZBiH, „*Pranje novca*“ iz člana 209. stav (3) u vezi sa stavom (1) KZBiH, „*Krivotvorenje ili uništenje poslovnih ili trgovačkih knjiga ili isprava*“ iz čl. 261. st. (2) KZ FBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje*“ iz čl. 262. st. (2) KZ RS; a pod tačkom 2. krivična djela „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Primanje nagrade ili drugog oblika koristi za trgovinu uticajem*“ iz člana 219. stav (3) u vezi stava (2) KZBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Pranje novca*“ iz člana 209. stav (3) u vezi sa stavom (1) KZBiH, a sve u vezi sa čl. 53. KZ BiH (sticaj);

Fahrudin Solak – pod tačkom 1. počinio krivično djelo „*Udruživanje radi činjenja krivičnih djela*“ iz člana 249. stav (2) KZBiH, u vezi sa krivičnim djelima „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Primanje nagrade ili drugog oblika koristi za trgovinu uticajem*“ iz člana 219. stav (3) u vezi stava (2) KZBiH, „*Pranje novca*“ iz člana 209. stav (3) u vezi sa stavom (1) KZBiH, „*Krivotvorenje ili uništenje poslovnih ili trgovačkih knjiga ili isprava*“ iz čl. 261. st. (2) KZ FBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje*“ iz čl. 262. st. (2) KZ RS; a pod tačkom 2. krivična djela „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Pranje novca*“ iz člana 209. stav (3) u vezi sa stavom (1) KZBiH, a sve u vezi sa čl. 53. KZ BiH (sticaj);

Fikret Hodžić – pod tačkom 1. počinio krivično djelo „*Udruživanje radi činjenja krivičnih djela*“ iz člana 249. stav (2) KZBiH, u vezi sa krivičnim djelima „*Zloupotreba položaja ili ovlaštenja*“ iz člana 383. stav (3) u vezi sa stavom (1) KZFBiH, „*Primanje nagrade ili drugog oblika koristi za trgovinu uticajem*“ iz člana 219. stav (3) u vezi stava (2) KZBiH, „*Pranje novca*“ iz člana 209. stav (3) u vezi sa stavom (1) KZBiH, „*Krivotvorenje ili uništenje poslovnih ili trgovačkih knjiga ili isprava*“ iz čl. 261. st. (2) KZ FBiH, „*Krivotvorenje službene isprave*“ iz člana 389. stav (2) u vezi stava (1) KZ FBiH i „*Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje*“ iz čl. 262. st. (2) KZ RS; a pod tačkom 2. krivična djela „*Pranje novca*“ iz člana 209. stav (3) u vezi sa stavom (1) KZBiH, „*Krivotvorenje ili uništenje poslovnih ili trgovačkih knjiga ili isprava*“ iz čl. 261. st. (2) KZ FBiH i „*Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje*“ iz čl. 262. st. (2) KZ RS, a sve u vezi sa čl. 53. KZ BiH (sticaj);

„F. H. Srebrena malina“ d.o.o. Srebrenica – pod tačkom 1. krivično djelo „Udruživanje radi činjenja krivičnih djela“ iz člana 249. stav (2) KZBiH, u vezi sa krivičnim djelima „Zloupotreba položaja ili ovlaštenja“ iz člana 383. stav (3) u vezi sa stavom (1) KZFBiH, „Primanje nagrade ili drugog oblika koristi za trgovinu uticaje“ iz člana 219. stav (3) u vezi stava (2) KZBiH, „Pranje novca“ iz člana 209. stav (3) u vezi sa stavom (1) KZBiH, „Krivotvorenje ili uništenje poslovnih ili trgovačkih knjiga ili isprava“ iz čl. 261. st. (2) KZ FBiH, „Krivotvorenje službene isprave“ iz člana 389. stav (2) u vezi stava (1) KZ FBiH i „Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje“ iz čl. 262. st. (2) KZ RS, a pod tačkom 2. krivična djela „Pranje novca“ iz člana 209. stav (3) u vezi sa stavom (1) KZBiH, „Krivotvorenje ili uništenje poslovnih ili trgovačkih knjiga ili isprava“ iz čl. 261. st. (2) KZ FBiH i „Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje“ iz čl. 262. st. (2) KZ RS, a sve u vezi sa čl. 53. KZ BiH (sticaj);

Jelka Milićević – pod tačkom 3. krivično djelo „Nesavjestan rad u službi“ iz čl. 387. st. (2) u vezi st. (1) Krivičnog zakona Federacije Bosne i Hercegovine;

S toga, za glavni pretres:

P R E D L A Ž E M O